


STILLMAN DRAKE

KB124, 712

Library
of the
University of Toronto



Digitized by the Internet Archive
in 2014

<https://archive.org/details/ioanniskepleriss00kepl>





3.4
Kepleri strenua l. p. d.


0-1-6

a
1


u
9
























IOANNIS KE-
PLERIS. C. MAIEST.
MATHEMATICI
STRENA

Sen

De Nive Sexangula.



Cum Priuilegio S. Cæſ. Maiest. ad annos x v.

FRANCOVRTI AD MOENV M,
apud Godefridum Tampach.


Anno M. DC. XI.

C. Y. C. 7



AD ILLVSTREM
S.C. MAIEST. CONSILIA-
RIVM IMPERIALEM AVLICVM, D.
IOANNEM MATTHÆVM WACKHERIVM

à Wackhenfels, Equ Auratum, &c. Literatorum
& Philoſophorum Mecœnatem Do-
minum meum benefi-
cium.



VM non ſim nescius, quam Tu ames Nihil, non
quidem ob precij vilitatem, ſed propter laſciui
Paſſeris luſum argutiſſimum ſimul & venuſtiſ-
ſimum: facile mihi eſt conticere, tanto tibi gratius.
& acceptius fore munus, quando id Nihilo vici-
nius.

Quicquid id eſt quod aliqua Nihili cogitatione tibi allubeſcat; id
& parum & parvum & viliffimum, & minime durabile, hoc eſt, penè
nihil eſſe oportet. Quia cum in rerum natura multa ſint, eſt tamen
inter ea delectus. Cogitabis forte ſe de vno ex Atomis Epicuri: ve-
rùm id Nihil eſt. Nihil verò à me habes antea. Eamus itaque per Ele-
menta, hoc eſt per ea, qua ſunt in vnaquaq; re minima.

Primum de Terra, hoc eſt de Archimedis mei theſauris ne ſom-
nies, qui Terram in arenas reſolvit, qui pulviſculorum dena millia
poſſidet in vno grano papaveri. Unum enim ſi ſubtraxero Numero-
rum illi, Myriadumq; rationes planè confudero. Adde quod huius-
modi corpusculorum figura nec oculis videtur, nec ab Archimede

proditur. Nullum igitur in ijs ingenium, nullare non visa cupido. Est & res durabilis, pulvis, ut quae trabibus vetustate subactis, carie confectis insidens dominatur. Nimum igitur dedero, hoc si dedero.

Ignis porro scintille, et si parva & evanida; nunquam tamen sunt minores arenulis pyritarum, quae consuetu deteruntur, aut strigmentis prunarum: quae iam inter pulvisculos reieci. Figurate itaque Pyramidas, quas nunquam vidi, Platoni relinquo, ut ex ijs arbitratus suo concinnet ignem. Veniendum ad Elementa intermedia.

Ventum & fumos dare possem, sed hi venduntur; neque hoc tantum in utribus Islandicis, sed & in chartis, quin & in verbis, idque passim per orbem terrarum. Res itaque preciosa fumus, & quae magna mihi constat. Neque hac apta ingenio, quia rudis & informis.

Ad Aquas igitur devoluimus. Harentem in urna guttam sacrosancti vates pro re contemptissima reputant. Et Germani nostri nil minus habent illa vini guttula, quae post cyathum exhaustum super unguem excutitur, ibique harena mole sua stat. Si hanc obtulero guttam, minus sanè dedero, quàm ille Persa, vola manus Choasperm Regi suo affundens; honestius etiam munus, vini gutta ex ungue Germani, quam derosum ramentum de ungue infrendentis, & vel tantillum negantis Itali: Denique figura gutta globosaiam speculationem pollicetur geometricam: sed vereor, ne & hoc tibi sit nimium, qui tantopere delectaris Nihilo.

Quid si ad animalia fiat transitio? Vereor ut noctuas Athenas. Nuper enim apud te vidi volumina rerum singularium & rararum, eius qui ex Veteri Parmenidis schola motum tollit, quia motus partem unam (scilicet praeiteritam) perfectam non habet. Quo in opere cum insint monstra pleraque, haud reor de futura animalcula, prodigiosa exilitate. Quanquam nihil opus uti coniecturis. Habes animadversiones Scaligeri in Cardani subtilitates. Invenies ibi animal minimum Exercitatione CXCIV. num. 7. Cuniculum subcutaneum. Est verò & hoc nimium. Nam cum incedat id animalculum, anima non caret. Igitur Animam tibi cur offeram, cui etiam inanimam guttam dare refugio. Nisi forte ex secto grassatricis bestiae caduere nova aliqua deprehendi posse speras: de quo viderit D Iesseni anatomicus.

Talia

Talia dum meditans anxie, pontem transeo, confusus super incivilitate mea, qui coram te sine strena comparuissem; nisi quod eadem perpetuo chorda oberrans identidem Nihil affero, nec inuenirem, quidnam esset Nihilo proximum, quod ingenij pateretur acumen; commodum accidit, ut vaporibus vi frigoris in niuem coeuntibus, flocculi sparsim in vestem meam deciderent, omnes sexanguli, villosi radijs. Eia me Hercule rem quauis gutta minorem, figuratam tamen, eia strenam exoptatissimam nihil amanti, & dignam quam det Mathematicus, Nihil habens, Nihil accipiens, quia & de caelo descendit, & stellarum gerit similitudinem.

Redeatur ad patronum, dum durat strenula, ne corporis halitu tepido soluatur in nihilum.

Atque en fatale nomen. O rem VVackherio gratissimam Nihil amanti. Nam si à Germano queras Nix quid sit, respondebit Nihil, siquidem Latine possit.

Accipe igitur hanc Nihili accessionem sereno vultu, et si sapias, animam contine, ne denuo nihil accipias.

Dicendum enim est Socrati de saltu pulicis: hoc est, Quare Nives primo casu, priusquam implicentur in maiores floccos, perpetuo cadant, sexangule, villosis, ut pennula, senis radijs.

Imò facebat hinc popularis contemptus inscitiaq, leno Aristophanes, Quid enim mihi opus Socrate, ipsius fabula materia? Ipse in Regium Psalten respicio, qui inter Dei laudes commemorat, quod de niuem sicut lanam, qua voce nisi fallor expressit villosos illos niuula mea radios. Verisimile enim est, cum sederat fessus, aut staret innixus pedo, ad custodiam gregis, vidisse, & notasse stellulas hasce nives, in lanas ouium defluentes, ibiq, adherentes.

Sed ad rem veniamus ioco misso. Cum perpetuum hoc sit, quoties ningere incipit, ut prima illa Niuis elementa figuram præseferant Asterisci sexanguli, causam certam esse necesse est. Nam si casu sit, cur non æquè quinquangula cadunt, aut septangula, cur semper sexangula, siquidem nondum cōfusa & glomerata multitudine, varioq, impulsu, sed sparsa & distincta?

Qua de re, cum esset mihi sermo cum quodam nuper, primum

inter nos convenit. causam nō in materia querendam, sed in agente. Materia enim nivis est vapor, is dum oritur ex terra, calore quodam suo subuectus, non alius quam continuus & quasi fluidus est: non igitur distinctus in singulares huiusmodi cellulas.

Queras, unde hoc sciam? Cum sit alis etiam sit vapor, id oculis cerni non possit, quia vapor pellucidus? Respondeo: Vapor existit ex resolutione humoris subterranei, quod arguitur ex eius leuitate & ascensu. In resolutione verò figura non habent locum. Id enim habet figuram ex se, quod seipso terminatur, cum termini figuram constituunt: vapor, resolutione facta, ex generibus humidorum est, & fluit, hoc est, seipso non terminatur, nullam igitur figuram retinet, donec condesctur in nivem vel guttam.

Cum igitur constaret, causam inditæ figura sexangula esse penes agentem, dubitatum porro fuit, quodnam id esset agens, & quomodo ageret, num ut forma insita, an ut efficiens extrinsecū: num ex necessitate materiae efficeret figuram sexangulam, an ex sua natura, puta cui congenitus sit vel archetypus pulchritudinis quæ est in sexangulo, vel finis notitia, ad quem ista forma conducat?

Ut pateat harum questionum discrimen, utamur exemplis nobilibus: sed geometricè descriptis. Nam ad questionem nostram plurimum faciet excursus iste.

Apum Al-
ueoli.

Si ex Geometris queras, quo ordine structi sint Apum alueoli, respondēbunt, ordine sexangulo. Simplex est respoſſo ex intuitu simplici foraminū seu portarum, laterumq; quib; efformātur alueoli. Circumstant. n. alueos singulos, sex alij, singulis laterib; de intermedio singuli cōmunicantes. At ubi fundos alueorum fueris contemplatus singulos trinīs planis in obtusum descendere videbis angulum. Fundū hunc, (carinā potius nūcupes) cum senis alueoli laterib; copulant sex alij anguli tres altiores trilateri, planēq; similes imo carinæ angulo, tres humiliores quadrilateri interiecti. Præterea cōsiderandū est geminū esse Alueolorum ordinem, portis auersis in cōtraria, posticis inter se contiguis & stipatis, angulis carinarum singularum ordinis unius, inter angulos tres trium carinarum ordinis alterius insertis, ea arte, ut alueus quilibet non tantum sex lateribus communicet cum senis alueis

veis in eodem ordine circumstantibus, sed etiam trinis in fundo planis cum tribus alijs alueis ex ordine auerso. Ita fit ut apes singula no- uem habeant vicinas, à qualibet vno communi pariete distincta. Plana carinarum trina, omnia inter se similia sunt, eius figura, quam Geometra Rhombum appellant. Quibus ego Rhombis admonitus, Corpora regularia Rhombica. cepi in Geometria inquirere, num quod Corpus simile regularibus quinq; & Archimedeis quatuordecim, ex rhombis meris constitui possit: inueniꝑ duo, quorum alterum cognatum sit Cubo & Octaedro, reliquum dodecaedro & Icohedro; (nam cubus ipse tertij vicem sustinet, cognatus duobus tetraedris inuicem coaptatis) primum duodecim rhombis clauditur, alterum triginta. Sed primo hac est communis proprietas cum cubo, quod ut anguli octo cuborum octo- norum circa idem punctũ coaptati locum omnem explent, nullo reli- cto vacuo, sic Rhombici primi, obtusi seu trilateri anguli quaterni idem præstent, & quadrilateri anguli seni similiter. Itaque strui po- test locus solidus ex meris hisce rhombis, sic ut semper quatuor trila- teri ut & sex quadrilateri anguli ad unum & unum punctum con- currant. Et ut summa quadam fiat: quando locus solidus per cubos aequales ordine recto impletur: tunc unum cubum contingunt alij 32. angulis singulis, & præterea sex quaternis, itaq; contingentium sunt octo & triginta. At quando impletur locus solidus per rhombi- ca equalia: tunc unum rhombicum contingunt alia 6. angulis singu- lis quadrilateris, & præterea duodecim, angulis quaternis, itaq; con- tingentium quomodocunq; sunt octodécim.

Hac igitur illa figura geometrica est, regularis quam proximè, impletrix loci solidi, ut sexangulum quadrangulum triangulum consummatores loci plani: hac inquam est, quã Apes effingunt in suis aluearibus. Nisi hoc tantum dempto, quod alueoli carent tectis carinæ similibus.

Si enim etiam hac adderent, & qualibet apis intra alias duode- cim seu octodécim abderetur, non pateret ipsi exitus, cõclusæ circum- circa. Itaq; cum tectis non indiguerint, nihil obstitit quo minus late- ra sena pro modulo corpusculi sui producerent ultra modulum Rhom- borum in carinis, efficerentque ea illorum attrinsecus dissimilia.

Porro

Qua sit fi-
gura grano
mali Puni-
ci.

Porro si quis grandius aliquod malum Granatum aperiat, videbit acinos plerosq; in eandem figuram expressos, nisi quantum impedit series radicum, per quas alimentum illis suum suppeditatur.

Queritur iam in his duobus exemplis, quis sit author figura Rhombica in alveolo apum inq; granis mali punici. Materia in causa non est. Nuspiam enim inveniunt Apes huiusmodi foliola rhombica, in preparato, qua colligant apes atq; coaptent, ad efficiendas suas domunculas. Neque verisimile est, in solis malis Punicis sponte excrescere acinos in angulos, cum in omnibus alijs fructibus rotundi evadant, qua non impediuntur, humore suggesto lentos cortices ex-
plente & referciente, ut turgescant, & qua datur, protuberent.

Est igitur in acino quidem punici mali figura causa in anima planta, qua pomi procurat incrementum. Sed non est hac adaequata figura causa, neq; enim hoc praestat fructui ex formali proprietate, sed adiuvatur necessitate materiali. Nam cum acini inter initia dum parvi sunt, rotundi sint, quandiu spacium ipsis intra corticem sufficit, tandem indurescente cortice, crescentibus vero continue acinis,

Pisani qua
figura ex-
primatur.


fit eorum constipatio & compressio, ut & pisorum intra suos oblongos calyces. Sed pise non habent quorsum cedant: oblongus enim siliquis ex ordine sunt inserta: comprimuntur igitur à duobus tantum lateribus. Acini vero rotundi in Malis Punicis liberius spacium à principio nacti, facile sese singuli intra ternos ordine aduerso protuberantes insinuant, rotunditate sua adiuti, humoremq; inde unde vrgentur, declinantes in spacia vacua. Quod si quis aliquam vim globulorum rotundorum, interq; sese aequalium ex materia molli constantium, concludat in rotando vase illudq; circulis arcis incipiat coartare undique à plagis omnibus: Globuli plurimi exprimentur in schema Rhombicum: praesertim si prius illos globulos succussione vasis diligenti, locum angustiore libero rotatu capere permiseris. Nam directaglobulorum dispositione, qua turbari non possit, compressione facta cubos etiam efficies.

In uniuersum enim duobus modis inter se ordinantur globuli aequales in vase aliquo collecti, pro duobus modis ordinationis eorum in aliqua planitie.

Name

Nam si errantes in eodem plano horizontali globulos aequales coe-geris in angustum, ut se mutuo contingant; aut triangulari forma coeunt, aut quadrangulari; ibi sex unum circumstant, hic quatuor: utrinque eadem est ratio contactus per omnes globulos, demptis extremis. Quinquanguli forma nequit retineri aequalitas, sexangulum resolvitur in triangula: ut ita dicti duo ordines soli sint.


Tam si ad structuram solidorum quam potest fieri arctissimam progrediaris ordinesq; ordinibus superponas, in plano prius coaptatos,



aut yerunt quadrati A aut trigonici: si quadrati aut singuli globi ordinis superioris singulis superstabunt ordinis inferioris aut contra singuli ordinis superioris sedebunt inter quater-nos ordinis inferioris. Priori modo tangitur quilibet globus à quatuor circumstantibus in eodem plano, ab

uno supra se, & ab uno infra se: & sic in uniuersum à sex alijs, eritq; ordo cubicus, & compressione facta fient cubi: sed non erit arctissima coaptatio. Posteriori modo præterquam quod quilibet globus à quatuor circumstantibus in eodem plano tangitur etiam à quatuor infra se, & à quatuor supra se. & sic in uniuersum à duodecim tangetur; fientq; compressione ex globosis Rhombica. Ordo hic magis assimilabitur octaedro & Pyramidi. Coaptatio fiet arctissima: ut nullo prætereà ordine plures globuli in idem vas compingi queant. Rursum si ordines in plano structi fuerint trigonici; tunc in coaptatione solida aut singuli globi ordinis superioris superstant singulis inferioris, coaptatione rursum laxa, aut singuli superioris, sedent inter ternos inferioris. Priori modo tangitur quilibet globus à sex circumstantibus in eodem plano, ab uno supra, & ab uno infra se, & sic in uniuersum ab octo alijs. Ordo assimilabitur prismati, & compressione facta fient pro globulis columna senum laterum quadrangulorum, duarumq; basium sexangularum. Posteriori modo fiet idē, quod prius posteriori modo in

quadrilateris. Est enim ^B copula trium globorum. Ei superpone ^A unum pro apice, esto & alia copula senū globorum ^C, & alia demū ^D, & alia quindenū ^E Impone semper angustiorē latiori, ut fiat figura Pyramidis.



Et si igitur per hanc impositionem singuli superiores sederunt inter trinos inferiores: tamen iam versa figura, ut non apex sed integrum latus pyramidis sit loco superiori, quoties unum globulum degluberis è summis, infra stabunt quatuor ordine quadrato. Et rursus tangetur unus globus ut prius, à duodecim alijs, à sex nempe circumstantibus in eadem plano tribus supra & tribus infra. Ita in solida coaptatione arctissima non potest esse ordo triangularis sine quadrangulāri, nec vicissim. Patet igitur, acinos Punici mali, materiali

Causa figuræ in acinis mali Punici.

necessitate concurrente cum rationibus incrementi acinorum, exprimitur in figuram Rhōbici corporis: cum non infestis frontibus pertinaciter nitantur rotundi ex aduerso acini, sed cedant expulsi, in spacia interternos vel quaternos oppositos interiecta.

Vnde domunculis cochlearū sua figura? Causæ figuræ in alveolis apiarum.

In alvearibus verò Apum ratio est alia. Non enim conglobantur apes confuse, ut acini in malo, sed arbitriam struunt aciem, omnes capitibus prominentes in unam vel aduersam plagam; omnes aluorum extremis inuicem obnitentes. Quod si ex cōglobatione huiusmodi existeret figura hæc, oporteret alueos apibus superindui ex consistentia exsudati lentoris, ut cochleis cōtortis solent super crescere domūcula. At certum est, apes ipsas suos sibi fingere alueos, totamq; à fundamentis contignationem extruere.

Quare ipsa Apis Natura hunc instinctum habet ex proprietate sua, ut hæc potissimum figura ædificet: hic illi Archetypus à creatore impressus est: nihil hic materia neque cera, neque corpusculi Apis, nihil incrementa possunt.

Hoc animaduerso quaeritur iam porro & de fine, nō quem Apis ipsa

confectetur discursu suo, sed quem Deus ipse, Apicula creator proposi-
tum habuit, cum illi has architecturae suae leges prescripsisset.

Atq; hic iam demum rursus ingreditur finis destinationē, consi-
deratio corporum materiae. Tria enim de hoc fine dici possunt. Pri-
mum vulgare est apud Physicos, qui ad solam quidem sexangularem
structuram respiciunt, ut illa cum hiatibus extrinsecus sese represen-
tat. Cum enim locum planum impleant excluso vacuo, tantum haesi-
gura, triagulum, quadragulum, sexagulum: ex ijs sexagulum capacissi-
ma est figura. Capacitatem autem sibi parant apes ad mella condenda.

Sexanguli
figura ca-
pax.

Potesq; ampliari haec ratio etiam ad solidi considerationē, in hunc
modum; quod cum solidum spatium non diuidatur sine hiatu, nisi in
cubos & Rhombica: Rhombica sunt cubis capaciora. Sed non sufficit
haec ratio: nam si capacitatem quarunt, cur non qualibet sibi rotun-
dum fingit nidum, quid opus est minutias loci consecrari, quasi nul-
lum in toto alveari restet spatium? Probabilior esset haec altera causa,
quāvis nec illa sufficiens, ob rationes dictas, quod mollia Apicularum
corpuscula commodius locantur in nido figurae plurium & obtusorum
angulorum, quāq; cognatior est sphaerica, quā in cubo, qui paucos & longē
procurrētes habet angulos, fundū planū, à corpore tereti abhorrētem.

Igitur tertiam causam necesse est addere, q̄ minuitur ipsis labor, si
semper duae cōmunem struant parietem. & quod in rectitudine coassā-
tionum maior firmitudo, ad cratem integram sustinendam, quam si
singula domuncula teretes ideog, compressu faciles fuissent: Denique
figurae rotundae hiant cum maxime coniunctae sunt: Itaq; frigus se per
hiatus insinuaret. Quibus omnibus providetur, quod consortia tecta
Urbs habent, ut Virgilius canit.

Finis pro-
prius figure
Rhombicae
in apiariis
alucolis.

Has igitur rationes materialē necessitatē respiciētes ita puto sufficere,
ut hoc loco non existimē philosophandū de perfectione & pulchritu-
dine vel nobilitate figurae Rhombicae: neq; satagēdum, ut essentia ani-
mulae quae est in Ape, ex contēplatione figurae, quā fabricatur, eliciatur:
quale quid nobis fuisset inceptādum, si usus figurae nullus apparuisset.

Idem de malo Punico intelligendū. Apparet necessitas materialis,
quae acinos perducit ad Rhōbicum, succedentib; incrementis. Itaq; va-
num est de essentia Animae in hac arbore cogitare, quae Rhombicum po-
tissimam efficiat.

Causa cui-
ari in lo-
his norum.

Contra si queratur, cur omnes aded arbores & frutices, (aut certè plerq;) florem explicent forma quinquangulari, numero sc. foliorum quinario, quem florem in pomis & pyris sequitur fructus dispositio, in eodem vel cognato numero, quinario vel denario: quini intus loculi continendus seminibus, dena filamenta: quod & obtinet in cucumeribus & id genus alijs: hic inquam locum habet speculatio puchritudinis aut proprietatis figura, quæ animarum harum plantarum characterisavit. Et detegam obiter cogitationes meas super hac re.

Corpora
regularia
quinario
ventra et
ta ex pro-
portione
diuina.

Duo sunt corpora regularia, dodecaedron & Icosædron, quorum illud quinquangulis figuratur expressè, hoc triangulis quidem, sed in quinquanguli formam coaptatis. Vtriusq; horum corporum, ipsiusq; aded Quinquanguli structura perfici non potest sine proportionem illa, quam hodierni Geometra Diuinam appellant. Est autem sic comparata, ut duo minores proportionis continua termini iuncti constituent tertium; semperq; additi duo proximi, constituent immediatè sequentem, eadem semper durante proportionem, in infinitum usque. In numeris exemplum perfectum dare est impossibile. Quo longius tamen progredimur ab unitate, hoc fit exemplum perfectius. Sint minimi 1. & 1. quos imaginaberis inæquales. Adde, fient 2. cui adde maiorem 1 fient 3. cui adde 2 fient 5. cui adde 3 fient 8, cui adde 5 fient 13, cui adde 8 fient 21. Semper enim ut 5 ad 8, sic 8 ad 13, ferè, & ut 8 ad 13, sic 13 ad 21, ferè.

Ad huius proportionis seipsam propagantis similitudinem, puto effectam esse facultatem seminariam. itaq; in flore præfertur seminariae facultatis $\gamma\eta\kappa\iota\omicron\nu$ vexillum Quinquangulum. Mitto cetera quæ ad huius rei confirmationem iucundissima contemplatione possent adduci. Sed proprius illis debetur locus. Nunc hac exempli tantum causa præmissimus, ut in rimanda figura Nivis sexangula simus instructiores, exercitatioresq;.

An frigus
causa figu-
ræ stellatæ
in niue.

Cum enim proposuissimus inquirere originem figure huius in niue inter causas extrinsecas & intrinsecas: inter externas primum sese offerebat frigus. Condensatio sane est à frigore: per condensationem vero vapor coit in figuram stellæ: videbatur igitur frigus illi figuram præstare stellæ. Tunc itum est ad considerationem aliam, an frigus sit Na-

tura.

tura quedam ut Medicorū Calor? Videbatur. n. ess. mera priuatio, cui neq. mēs, sexāgulifabricatrix, nec omnino operatio valli propria.

Sed ne misceamus questiones, maneat frigori condensatio: potuit condensatio fieri, ut videtur, in formam globosam rectius. Imò si consideretur frigus latè fūsum, & vapor illi superficietenus occurrens, magis est consentaneum, ut condensatio fiat in formam omnino planam, superfici ei similem & eam quorumcūq. terminorum. Ut si tota vaporis extrema superficies ex frigore densitatem, ex densitate pondus, ex pondere casum, ex casu comminutionem in frustula seu bracteas nancisceretur: utiq. non omnes bractee, quin imò paucissima, ac nescio an vlla euadent sexangula, praesertim radijs adeò concinne striatis.

Admonebant ista stria rei illius quae contingit in Hypocaustis vapidis, brumali rigore pertusas fenestras obsidente. Luctantur circa illos angustias frigidus aer & vapor. Quoties enim sese mutuo contingunt, calor superior appetit, frigus inferiora. Est enim in calido dilatatio materiae, in frigido densitas & pondus, pellitq. calida sursum. Vapore igitur confertim exire nitente, fit fuga vacui, ut & frigidus aer confertim irrumpat, unde Cimbipatentis fenestrae vel rimulae frigidissimi efficiuntur. Ad eos limbos quicquid appellit vaporis, continuo gelatur succeditq. in illam materiam frigus aquae magnum, ut quicquid porro vaporis ad hanc appellit pruinae, & ipsum geletur, appositione continua, intercedente tamen seseque introrsum insinuante rectis lineis aere frigido: qua alternatione ingressus, & egressus, ille pruinosa vaporis consistentiae, strias sortiuntur & acutos radios.

Quae causa
figurae in
pruinosis
consistentiae
circa fenestras.

Nihil ad hoc instar defiguratione niuulae nostrae dici potest. Nam quinam hic ingressus, qui exitus, quae angustia qua lucta in patentissimis aeris campis? Concessero inter cadendum ex alto per vapidum aerem fieri aliquam ad villos appositionem à contingentibus vaporibus. At quare sex locis, quodnam senarij principium? quis capitellum antequam caderet in sex effigiauit cornua frigida? Quae causa statuens in illa superficie iam iam condensanda sex puncta, ad quae sena circum radij connectantur?

Cum itaque causa externa, frigus, hæc efficere nequeat: internam aliquam esse necesse est, vaporisque vel comitem vel alio quocumque modo propriam?

At hæc perpendicularem subjicit admiratio, cur radij non potius in omnem ambitum sphericum disponantur? Cur si internus calor est huius rei author, in plana tantummodo superficie operatur: qui undique aequaliter se habet, non vero in sola plana superficie vaporis inest?

Dum in his luctor meditationibus, dum ratio postulat radios in omnem ambitum distributos, incidit. quod alias sæpe cum admiratione spectavi, stellulas huiusmodi non primo statim casus momento sterni super planitiem, sed particulis nonnullis sublimes teneri, denique temporis mora subsidere in planitiem. Ex illa ratiocinatione veluti

Nihili opinio.

patre, & ex hac experientia veluti matre, nata est mihi opinio ista: stellulas istas inter cadendum trinis constare villosis diametris, decussatim ad unum punctum coaptatis, sex extremitatibus in orbem aequaliter distributis, ita ut tribus tantum villosis radijs incidant, reliquis trinis, (qui sunt incidentiū oppositi in iisdem rectis diametris,) in sublimi stent, donec flexis ijs, quibus stellula sustinebatur, reliqui hæcenus sublimes, in eandem planitiem cum prioribus, intermedijs locis defluant.

Huius opinionis vim prosequar per totum, postea demum an vera sit examinabo: ne fortassis importuna vanitatis detectio me prohibeat, quod institui, verba dere Nihili facere.

Hoc igitur in causa positum esto, quæcunque causa sit horum sex radiorum, eam undique aequaliter fusam esse in omnes plagas: ut si frigus est causa senum radiorum, frigus igitur singulas vaporis portiunculas circumstare aequaliter, aut aequalibus certe intervallis undique: Sin caler internus, & hunc in omnes sphaera plagas ex uno, & eodem centro operari.

At sic nondum discussa sed translata est quaestio. Nam nondum patet, quare non quinque vel septem, sed omnino sex villosi radij coaptentur ex eodem centro?

Et si queras à Geometris, qua nam in figura tres Diametri sese orthogonaliter seu in forma crucis duplicis, in eodem centro secent: is respondebit, in octaedro, connexis angulis oppositis. Octaedron enim habet sexangulos. Quare igitur fit, ut nix inter cadendum, priusquam complanetur, tribus villosis diametris, se inuicem orthogonaliter secantibus innitetur ipsum τὸ οκταεδρὸν Octaedri: Vt si radiorum extrema vicina rectis duodenis connectas, integrum octaedri corpus representas?

Quæ causa igitur, quod in hos tres villosos radios potius fit condensatio quam in globum integrum?

Possim quidem dicere modum unum quo ista fiant materiali necessitate: sed is assumit aliquid, quod rursum plus habet admirationis, quam hoc ipsum quod iam erat demonstrandum. Dicam tamen, si forte ex comparatione multorum falsorum eliciatur veritas. Esto ut vapor, quando primum frigus irruens sentiscit, coaguletur in sphaerulas certæ quantitatis. Hoc est consentaneum. Nam ut in aqua, Gutta minimū naturale est de fluido; propterea, quod aqua suo pondere non diffluit amplius, quando est infra gutta quantitatem: sic etiam facile concedi potest, inesse in vaporis materia tenacitatem aliquam, qua possit resistere frigori, in certa aliqua quantitate, puta gutta vapida.

Secundo esto ut hæc sphaera vapida se inuicem contingant in certa dispositione: puta quadrangulare in plano, cubica in solido, qua de supra: Sic enim tangetur Sphaerula qualibet ab alijs sex, quarum Solæ quatuor hic in plano depingi possunt quinpta & sexta intelligenda est superponi & supponi. His ita positus & assumptis, frigore verò per spacia irruente: sphaerula à contactu uno ad oppositum erunt munita contra frigus: itaque versus centra quidem sphaerularum fiet condensatio, sic tamen, ut etiam versus diametros contactuum, quibus scilicet locis tutæ sunt à frigore.

Verum non immerito, ut prædixi, quærat aliquis, qua vi sic disponantur sphaerula in directum?

Si materialiter fieri aliter nō posset iam peractum esset negocium. At possunt materialiter duobus alijs modis disponi, ut supra dictum. Ac praterca possunt omnis tres ordines ordinati confundi, ut fiat dispositio varia.

An haec ad disciscemus dispositionis huius causam, quod in hac sola dispositio est sibi ipsi undiq, similis, & puncta contactuum distribuuntur aequaliter, in ceteris nequaquam. Et si enim ut supra dictum, globi singuli à duodenis alijs tanguntur, at spacia inter globos alternis triangula & quadrangula sunt: hic omnia undiq, quadrangula. Illic diametri quidam duo oppositorum contactuum sese secant orthogonaliter, reliqua quatuor non item: hic omnes tres diametri sese secant aequaliter & orthogonaliter. Illic connexis extremis diametrorum fit cuboctaedron, hic Octaedron intra sphaerulam quamlibet.

Præstantia quidem hinc patet dispositionis directæ præ obliqua: at causa nondum comparet, quæ sphaeras hac potius quam illa ratione disponat. Num facit hoc frigus? At quomodo?

Nam si quid agit condensat aut penetrat materiam qua biat illa, aut qua debiliter resistit. Et ut largus sim, directâ quidem in profundum dispositionem causari possit descensu rectilinetico, versus terram: at in transversum unde hac directio?

Restat igitur, ut calor internus vaporis hanc guttarum dispositionem cubicam efficiat: si modo est cubica ipsorum dispositio, hoc est, si Nihil nostrum est Aliquid.

Huc autem deuolutare, iam perinde est, siue calor quamlibet guttam seipso in formam Octaedri disponat: siue totam materiam in seriem stellarum ordinatam discescat, atq, ita singularum sphaerarum internam dispositionem per externam uniuersarum seriem adiuuat. Neutrobique casu ordo existere potest tam constanter, ubi confusio, ut hic quidem, in proclini est.

Scd & argumenta sunt, ut potius credamus singulas guttas, sine ope externi contactus seipsis disponi. Etenim, si figura singularum oriretur ab ordine & contactu mutuo plurium, necesse foret, omnes in vicem aequales esse stellulas. Iam vero magnum inter eas cernitur discrimen magnitudinis. Ipsa quin etiam multarum ordinatio, multum habet insolentia.

Nihil

Nihil itaq; profecimus, nisi pateat modus, quo calor internus guttam vapidam in tribus diametris, forma octaedrica vel certè sexangula firmet, ut ad eas fiat materia per condensationem collectio.

Possit aliquis existimare, volitare villosa ista ramenta solitaria, interq; cadentium decussatim concurrere fortuito. Verum id falsum est. Non enim perpetuo trina, non in punctis medijs, non ad unum punctum concurrerent. Adde quod villi omnes à centro seu stella, seu decussationis gemina auersi extrorsum porriguntur pene ut foliola in ramis abiectis: quod argumento est, in centro nidulari vim formatricem, indeq; in omnes plagas aequaliter sese didere.

Sed fortassis hæc causa est trium diametrorum, quod totidem sunt diametri plagarum in animalibus? Habent enim superas, inferas, anteriores, posteriores, dexteras, sinistras partes? Si quis hoc dixerit, meæ is opinioni appropinquabit, sed præter opinionem in paradoxa pertrahetur concessione sua. Primum enim consideret, quæ natura sit huius caloris, quæ similitudinem animalis architectetur in stellula niuis. Deinde videat, cui bono? Quid enim animalicomune cum Niue? Nix ad vitam, quæ caret, plagis istis opus non habet. Tertio

*Memine-
ris, prædi-
ctum, de ni-
hilo esse, o-
pinionem
de trina de-
cussatione
trium dia-
metrorum.*

*Octafosex
plagarum
in animali-
bus.*

perpendat, ipsas animalis partes, non tam ad figuras geometricas, cubumque, primam solidarum figurarum, velut ad Archetypum suum accommodatas: quam necessitate quadam ad finem obtinendum directas. Prima enim superi & inferi distinctio est à loco, quæ est terra superficies: pedes igitur deorsum vergunt ut contra pondus corporis nitantur, Caput sursum est ut nervos imbre opportuno cōtinuè humectet, utq; oculi & aures à planitie remotissimi plurimā eius circumferentiam in conspectu habeant, obstaculis remotis, deniq; ut cibus pondere, potus humore suo præcipitatus in suum locum descendat, neq; cōtinua ut in plantis vno loco fixis attractione opus haberet. Altera antica & postica distinctio tributa est animantibus ad motus exercendos, qui in recta linea super terra superficiem tendit à loco ad locum. Itaq; duæ hæc diametri necessario orthogonaliter se mutuo sècant, signantque superficiem. At cum animalia non possint esse superficies, sed necessario corpora accipiant: tertiam diametrum dextri & sinistri ex ratione corpulentia necesse fuit accedere, quæ sit animal

C

quasi

quasi geminum: ut esset etiam in incessu, mouentis & moti discrimen alternis. Non igitur, quæ cubica sunt, hominis gerunt similitudinem propter aliquam figuræ pulchritudinem: sed homo cubi acquisiuit similitudinem, quasi concinnatam ex varijs vsibus ceu Elementis.

Principia
ad erūdendā
causas figurarū
re nūis nō
de Nihilo.

Itaque omnibus examinatis, quæ occurrebant, sic ego sentio, causam figuræ in Nive sex angulæ, non aliā esse, quā quæ est figurarum in plantis ordinarumq; constantium. Ac cum in his nihil fiat sine ratione summa, non quidem quæ discursu ratiocinationis inueniatur, sed quæ primitus in creatoris fuerit consilio, & ab eo principio hucusq; per mirabilem facultatū animalium Naturā conseruetur; ne in Nive quidem hanc ordinatam figurā temerè existere credo.

Est igitur facultas formatrix in corpore Telluris, cuius vehiculum est Vapor, ut humana anima, spiritus: aded ut nullus uspiam existat vapor, quin ut calore quodā id effectus est quod esse dicitur, puta vapor, eodemq; calore conseruatur, ut id esse pergit: sic ratione etiam formatrice, quam alij calorem Opificem dicunt, continetur.

Sed duarum obiectionum solutione, quod reliquum est de opinione mea, declarabo. Etenim obijcere possis: In plantis finem subsequenter, qui est, Constitutio certi corporis Naturalis, arguere, Rationem formatricem in aliqua materia præcessisse: Vbi enim media ad certum finem ordinata, ibi ordo, ibi nullus casus, ibi mera mens, mera Ratio: In Nivis vera formatione finem nullum spectari posse, neque fieri per figuram sexangulam, ut Nix perduret, aut corpus Naturale definitum certa & durabilis formæ fiat. Respondeo, Rationem formatricem non tantū agere propter finem sed et propter ornatū, nec solū tendere ad corpora naturalia efficienda sed et solere ludere in fluxis, quod multis fossilium exemplis patet. Quorum ego uniuersorum rationem à ludicro (dum dicimus Naturam ludere) ad hanc seriā intentionem transfero: quod puto, Calorem, qui hætenus tutabatur Materiam; ubi à circumstanti frigore vincitur: ut hætenus ordine agebat (ratione quippe formatricē imbutus) ordine pugnabat, sic iam suo quodam ordine & fuga sese

se se comparate, pedemq; referre: & diutius herere in sparsis istis & ordinatim veluti per Aciem distributis ramis, quam in tota reliqua materis, atq; sic curare habere, ut (quod de Olympiade referunt historiæ) non in bono se nec in uerecunde cadat.

Alius aliquis obiiciat, plantis singulis singulas esse facultates animales, cum seorsim etiam subsistant corporum plantarum singula: proptereaq; nil esse mirum, singulis etiam singulas aptari figuras. In nixis vero qualibet stellula peculiarem fingere animam, per esse ridiculum: quare ne quidem figuras nixis eodem modo ex Anima opere, ut in plantis deducendas.

Respondeo, rem utrinq; similiorem esse, quam, qui hæc obiicit, credere possit. Denus, plantis singulis singulas esse facultates: at ea omnes soboles sunt unius & eiusdem facultatis uniuersalis, quæ in terra inest: quæq; se habet ad plantas; ut facultas aquæ ad pisces, facultas humani corporis ad pediculos, canini ad pulices, o villi ad aliud genus pediculorum. Non enim omnes plantæ ex semine, pleraq; ex autogenia primum ortæ, et si sese porro seminent. Facultas enim terræ, quæ seipsa una est & eadem, diuidit sese in corpora & cum corporibus, inq; ea inoleuit & pro cuiusq; materiæ conditione interna externis ve aliud atq; aliud architectatur. Ita in vapore quoq; quem totum tota possederat Anima, nihil mirum si frigore diuisionem totius continui moliente, ob contractionem partium, circa partes ipsa, ut circa singula tota formando occupetur.

O vere mortuam vitam sine philosophia. Hanc enim in Niue formatricem facultatem si sciisset illa Aesopica fabella adultera, persuadere marito potuisset, se ex niue concepisse, spurioq; suo non tam facile fuisset orbata, calliditate mariti.

Dixi de autore figura: restat ut inquiramus de figura ipsa, siue illa existat ex decussatione trium diametrorum, quod hæctenus est inter supposita: siue inde ab origine sit sexangula, de quo postea. Nunc pergendum in tramite cæpto. Causa igitur cur hæc facultas Octaedri dispositionem angulorum potius imitetur, hæc esse possit. Primum uniuersum genus animorum Geometricis & regularibus siue Cosmopæcticis figuris cognatum est: quod multis documentis pro-

De Polyxena cum ad sepulcrum A-c illis immolaretur hic apud Euripidem versus est *πολύγωνος ἐστὶν ὁ κόσμος* Eundem accommo-dat Plinius iun. in epistolis virgini cuidam Vestali quæ Domitiana viuam defodit.

Animus imago creatoris,

bari potest. Cum enim Animi sint quadam exemplaria Dei Creatoris, certè in Dei Creatoris mente consisist Deo coeterna figurarum harum veritas. Amplius cum certissimum sit, ipsos etiam animos penitissima sui essentia recipere quantitates, sine materia Physica, an cum ea, non disputo: consentaneum est, figuratas potius recipere quantitates, quam rudes: si figuratas, quare figuras regulares, solidas, quia animi sunt non superficierum sed corporum solidorum.

Reditur ad
opinionem
nihili.

Est autem inter regulares solidas prima, Cubus, primogenita, parens ceterarum. Eius verò femina quasi quadam est Octaedron, habens tot angulos, quot cubus plana, eorumque centra, quibus singulis: singuli respondent ex Octaedro Anguli.

Portiuncula itaque materia vapidæ deserenda, si figuram debet recipere, quod iam fecimus consentaneum, primum cubum arripit, eiusque socium Octaedron. Quorsum supra etiam materialis alludebat necessitas, globorum equalium in unum acervum confusorum. Confundebantur enim & adumbrabantur in punctis contactuum rudimenta cubi Octaedrique. At cur Octaedri figuram potius quam Cubi? An quia Cubus est figura dilatationis, Octaedron collectionis? Iam verò & materia & vis caloris colliguntur impetita hostiliter à frigore. Vnde verò certum sit, illam esse dilatationis figuram, hanc collectionis? Nempe quia octo anguli, quibus illa foris diditur, idem in hac intus centrum circumstant eodem numero. Etenim si cubo adimas angulos suos octonos resectos lateribus equalibus, introrsumque componas planè consitues Octaedron. Et Cubus in plures, sc: in octo angulos diffunditur, Octaedron in pauciores, puta sex.

Aliiunt gemmari, Naturalia in Adamantibus inveniri Octaedra, perfectissima & limatissima formæ. Id si est, multum nos confirmat. Nam facultas animalis, quæ in terra indidit Adamanti formam Octaedri, ex penitissimo sinu sue Naturæ depromptam, eadem cum vapore progressa de terra, figuram eandem indidit & Nivi ex vapore illo consistenti.

Quanquam, quod decussationem trium diametrorum attinet, in ea non magis inest Octaedri quam cubi forma, Illic anguli,
hic:

hic centra planorum connectuntur huiusmodi tribus diametris; illic anguli diametrorum ad centrum, hic angulus qui corpus finit exprimitur. Frustra igitur de totius figuræ electione satagimus, ubi est vtriusq; rudimentum saltem.

Quo vero abripit stultus ego, qui dum pene Nihil donare affecto, pene etiam Nihil ago: quia ex hoc pene Nihilo pene Mundum ipsum, in quo omnia, efformavit: cumq; ab animula minutissimi animalculi supra refugerim, iam ter maximi Animalis globi telluris, animam in Nivis Atomo exhibeo?

Itaq; pedem referam, & sedulo dabo operam, ut quod donavi, quodque dixi, id nihil sit. Fiet autem id, si quam cito Nivula mea liquescit, tam cito ratiunculas istas, ego contrariis ratiunculis profligauero, atque annihilauero.

Dum enim ista scribo, rursus innoxit, & consertius, quam nuper. Cū templatus sum sedulo corpuscula Nivis, cadebant igitur omnia radiosæ, sed duorum generum: quedam minuta valde, radiis circumcirca insitis, incerto numero, & simplicibus, sine villis, sine striis, erantq; subtilissimi; in centro vero colligati ad grandiusculum globulum: atq; horum erat maxima pars. Interspergebantur autem secundi generis rariores sexangule stellulæ earūq; nulla aliter nisi plana, neque volitabat, neq; cadebat. Villis etiam in eandem planiciem cum caule suo compositis. Vergebat autem inferius deorsum radiolus septimus, quasi radix aliqua, in quam cadentes incumbabant, eaq; sustinebantur sublimes aliquandiu: quod me supra non fugit, sed sinistre exceptum est, ac si terni diametri non essent in eodem plano. Itaque non minus quod hæcenus dixi, quam quo dedixi, à Nihilo quàm proximè abest.

Primum genus grumosum, puto esse ex vapore iam pene deserto à calore, & iam iam in guttas aqueas condensando. Itaq; & rotunda sunt, & figuram pulchram non sortiuntur, deserta iam ab architecto, & radiosæ sunt undiq;, iis principijs, quæ supra ad contemplationem pruinosæ consistentiæ in fenestris sunt adhibita.

In secundo vero genere, quod est stellarum, locum nullum habet contemplatio cubi vel Octaedri, neq; ullus guttarum contactus: cum

Denique
ferio de fi-
gura Nivis:
stellata.

plana incident, nō ut supra sum opinatus, decussata trinis diametris.

Eligitur Formatrix anima hic quoq, locum suum tuetur, manetque in causa: de electione tamen figurae questio est redintegranda. Primum cur plana? An quia non recte supra ademi planas formatricibus corporum. Nam in omnibus floribus inest quinquangulum planum: non dodecaedrum solidum. Tunc causi plana figura verè hac esset: quod frigus calidum vaporem in aliqui planitie tangit nec ita totum vaporem equaliter circumstat cum stellula gignantur, ut cum grumi cadunt.

Cur figura
pouillimum
sexangula. Cur autem sexangula? An quia ex regularibus hac prima est replana, & qua in nullum corpus secum colligatur? Nam Trigonus Tetragonus pentagonus corpora efficiunt. An quia sexangulum sternit planitiem, excluso vacuo? At idem facit triangulum quadrangulum? An quia proxima hac circulo ex ijs qua planitiem sternunt, excluso vacuo. An hoc discriminis inter facultatem sterilia figurantem, & alteram illam, qua secunda figurat, ut illa triangula vel sexangula faciat, hac quinquangula? An deniq, ipsa huius formatricis Natura in intimo sinu sua essentia particeps est sexanguli?

Ex quinq, adductis causis prima, secunda, & tertia hoc sibi usurpant, facultatem formatricem, è re nata consilium capere, & pro opportunitate campi aciem instruere: ut quia pugna calidi vaporis & frigidi acris in planitie existit, non per corpulentiam, ipsa quoq, figuram eligat qua planitierum est potius, quam corporum. Itaq, & materialis necessitatis rationem haberet in secunda & tertia. Nam prima causa sola sexanguli proprietate freta est, respiciens decentem congruentiam huius figurae ad hanc pugnam. In plano pugna, necessario igitur figura plana, at non necessario figura talis, qua ad nullum corpus secum ipsa cecat, sed ideo solum talis quia ut corporibus physicis figurae respondent, qua solidum ambeunt, sic planicibus figurae qua solidum non ambeunt: hic decentia formalis spectatur, non necessitas materialis.

At in secunda & tertia hoc dicendum esset, necessitate etiam materialis eligi à formatrice sexangulum, ne quid scilicet relinquatur vacuum, &

uum, & ut commodius fieri possit collectio vaporis in niuis consistē-
tiam.

In circulo enim commodissime fieret, at quia circelli vacua spacia relinquunt, ideo circuli similior eligitur figura. Verum huic causae iam suprafuit opposita inequalitas stellularum, quarum aliqua minutissime sunt, radiis etiam exilissimis & simplicibus, sine villis. Quod est argumento, nō magnam aliquam vaporis planiciem simul coire in niue sed scorsim pluiticulas, minimas, alias post alias, easq. inequales. Non habet ergo locum consideratio exclusionis vacui, quae regnat tantum in diuisione integra superficiei in sexangula equalia. Itaque ut secunda & tertia causa è numero deleatur, nisi quatenus ad primam redigi possunt, ut formatricis facultas sexangulum eligat, nulla materia spaciorem, necessitate coacta, sed solum decentia hac inuitata, quod alias sexangulum struat planiciem excluso vacuo, sitq. (ex iis figuris, quae idem possunt) circuli similima.

Quarta quidem causa sic nuda consistere nequit. Nam alba lilia trinis senisq. effigiantur foliis, & sterilia non sunt: eodem modo multi Calyces florum fere sylvestrium. Nisi forte hoc discriminis sit, quod fructus sub flore quinquangulo nascitur carnosus ut in pomis pyrisque, aut pulpaceus, ut in rosa, cucumeribus seminibus intra carnem vel pulpam abditis. At sub flore sexangulo nil nascitur, nisi semen in sicco loculo, estq. velut in flore fructus. Aut est hoc forte discrimen, quod nullus flos sexangulus in arboribus & fruticibus, sed in herbis & fere bulbaceis. Vel consideret alius ipsos succos an aliquod in iis discrimen secundum figuras florum.

Quia flores
tenarium
numerum
habeant &
ternarium?

Consideranda
Botanicis

Res mihi nondum comperta est, itaque sufficiat leuiter admonuisse alios de hac quarta causa.

Pro quinta causa faciunt opera huius formatricis facultatis alia, ut Cryalli, omnes sexangula, cum Adamantes Octaedrici sint rarissimi. Sed Formatrix telluris facultas nō unam amplectitur figuram, gnaratotius Geometriae, & in ea exercita. Vidi enim Dresdæ in ade Regia cui stabulo nomen, exornatum Abacum are argenteo, ex quo quasi efflorescebat dodecaedron auellanae paruae magnitudine, dimidia parte extans. Extat & in descriptione thermarum Bollenfium Icosaedri

Figura fossilium Cryalli sexangulae

Considerā-
da Metal-
lariis & Al-
chimistis.

*cosaedri pars anterior interfossilia. Itaque verisimile est hanc facul-
tatem formatricem pro diuerso humore, diuersam fieri. In vitriolo
crebra est figura cubica Rhombica. In Nitro sua est figura. Dicant igi-
tur Chymici, an in Nive sit aliquid salis, & quod nam salis genus, &
quam illud alias induat figuram. Ego namque, pulsatis Chymia fo-
ribus, cum videam, quantum restet dicendum, ut causa rei ha-
beatur: malo abste, Vir solertissime, quid
sentias, audire, quam differendo
amplius fatigari.
Nihil sequitur*

FINIS.



